

Риёзус солиҳийн шарҳи / Ҳаё ва унинг фазилати ҳамда у билан хулқланишга одатланмоққа тарғиб қилиш ҳақида / 925-ҳадис

925 – وَعَنْهَا رَضِيَ اللَّهُ عَنْهَا قَالَتْ: رَأَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ وَهُوَ بِالْمَوْتِ عِنْدَهُ قَدْ خُ فِيهِ مَاءٌ وَهُوَ يُدْخِلُ يَدَهُ فِي الْقَدَحِ، ثُمَّ يَمْسَحُ وَجْهَهُ بِالْمَاءِ، ثُمَّ يَقُولُ: «اللَّهُمَّ؛ أَعِنِّي عَلَى غَمَرَاتِ الْمَوْتِ وَسَكَرَاتِ الْمَوْتِ». رَوَاهُ التِّرْمِذِيُّ [978].

925. Яна у киши розияллоху анҳодан ривоят қилинади:

«Расулуллоҳ соллаллоху алайҳи васалламнинг ўлимлари ҳозир бўлган вақтлари олдларида бир қадахда сув бор эди. Қадахга қўлларини тикдилар, сўнг сувини юзларига суртиб:

«Аллоҳумма аъинний ъала ғомаротил мавти ва сакаротил мавт», деб айтганларини кўрдим».

(Маъноси: Аллоҳим, ўлим шиддати ва ўлим талвасасида менга ёрдам бер.)

Имом Термизий ривояти.

Шарҳ: Ҳадисдан олиндиған хулосалар:

□□- Ўлим талвасасини енгиллатиш учун сув ишлатиш жоизлиги.

- Аллоҳга юзланиш ўлим машаққатини енгиллатади.

- Ўлимнинг ўзига яраша қийинчилик ва машаққати бор. Ҳатто пайғамбарлар ҳам ўлим талвасасини енгил бўлишини талаб қилишган.

- Ўлими ҳозир бўлган киши қалби ва тили билан Аллоҳга шукр қилмоғи лозим. Чунки бу киши учун дунёдан охирги вақтидир. У хотимасини яхшилик ва тавҳид шаҳодати билан якун топишига ҳаракат қилади.

- Ўлими ҳозир бўлган киши бақир-чақир қилиши ва сабрсиз бўлиши, сўкиши, хусуматлашиши ва тортишиши макруҳ ишдир.

Манба: hadis.islom.uz

